



Broj: RK/RZ- III/09
Mostar, 30. 9. 2009.godine

ZAPISNIK SA III SJEDNICE REKTORSKE KONFERENCIJE/ZBORA BOSNE I HERCEGOVINE

Mjesto održavanja: Rektorat Univerziteta „Džemal Bijedić“ u Mostaru – sala za sastanke

Vrijeme održavanja sjednice: 30. 9. 2009. godine, 11:00 sati.

Prisutni: Prof. dr. Suzana Bubić rektor Univerziteta "Džemal Bijedić" u Mostaru, prof. dr. Džemo Tufekčić rektor Univerziteta u Tuzli, prof. dr. Vlado Majstorović rektor Sveučilišta u Mostaru, prof. dr. Faruk Čaklovića rektor Univerziteta u Sarajevu, prof. dr. Darko Petković, prorektor Univerziteta u Zenici, Mehmed Duraković, dipl. iur. Univerzitet u Bihaću, dr. sc. Zoran Tomić, predstavnik Sveučilišta u Mostaru, Dušanka Dragić, dipl. iur. generalni sekretar Univerziteta U Banjaluci, Jasmina Berbić, dipl. iur. generalni sekretar Univerzitet u Tuzli, Zoran Kazazić, dipl. iur., generalni sekretar RK/RZ.

Odsutan: predstavnik Univerziteta u istočnom Sarajevu.

Za sjednicu je predložen slijedeći

DNEVNI RED:

1. Usvajanje izvoda iz zapisnika s 2. sjednice RK/RZ BiH;
2. Informacija o dokumentu „Nacrt kominikea“ sa Svjetske konferencije o visokom obrazovanju 2009.;(materijali su upućeni svim javnim Univerzitetima u BiH);
3. Informacija o dokumentu „Bolonja-izvještaj za period 2007-2009. godine; (materijali su upućeni svim javnim Univerzitetima u BiH);
4. Kadrovske pretpostavke za akreditaciju Univerziteta;
5. Upućivanje preporuke kantonima/županijama koje nisu donijele akte o promjeni sadržaja diplome;
6. Priznavanje ispita i prelasci sa privatnih na javne univerzitete (visokoškolske ustanove);
7. Primopredaja predsjedavanja Rektorskom konferencijom/Rektorskim zborom Bosne i Hercegovine:



- a. Donošenje Odluke o razrješenju dužnosti predsjednika Rektorske konferencije/Rektorskog zbora BiH,
- b. Donošenje Odluke o imenovanju predsjednika Rektorske konferencije/Rektorskog zbora BiH,
- c. Donošenje Odluke o razrješenju dužnosti generalnog sekretara Rektorske konferencije/Rektorskog zbora BiH,
- d. Donošenje Odluke o imenovanju generalnog sekretara Rektorske konferencije/Rektorskog zbora BiH,
- e. Donošenje Odluke o izmjeni Statuta Rektorske konferencije/Rektorskog zbora BiH,
- f. Donošenje Odluke o promjeni sjedišta Rektorske konferencije/Rektorskog zbora BiH,

8. Dnevni red je dopunjen Tačkom „Tekuća pitanja“

Nakon dopune Dnevni red je usvojen.

TOK SJEDNICE

Ad. 1.

Uz tehničku dopunu (Ad. 4. predzadnji red, iza riječi novčana dodana je riječ „sredstva“) jednoglasno je usvojen Izvod iz zapisnika sa 2. (druge) sjednice Rektorske konferencije/Rektorskog zbora Bosne i Hercegovine održane 30. 9. 2009. godine.

Zoran Kazazić, dipl. iur., generalni sekretar Rektorske konferencije/Rektorskog zbora BiH je, govoreći o donošenju pravilnika o raspodjeli sredstava namijenjenih za rad Rektorske konferencije/Rektorskog zbora BiH od strane Rektorske konferencije/zbora BiH istakao da Rektorska konferencija/Rektorski zbor BiH, u skladu sa svojim internim aktima, ne može donijeti pomenuti pravilnik. Predložio je da odluke o raspodjeli sredstava donose na sjednicama Rektorske konferencije/Rektorskog zbora BiH, a na osnovu Odluke o kriterijumima za raspodjelu sredstava namijenjenih za rad Rektorske konferencije/Rektorskog zbora BiH.

Ad. 2.

Izjavitelj po ovoj tački dnevnog reda je bila predsjednica Rektorske konferencije/zbora BiH prof. dr. Suzana Bubić, rektor Univerziteta „Džemal Bijedić“ u Mostaru. Prisutne je upoznala sa izjavama koje se nalaze u dokumentu „Nacrt kominikea“ sa Svjetske konferencije o visokom obrazovanju 2009. kao i pozivu na akciju u oblasti visokog obrazovanja. Dokument je dostavljen svim univerzitetima u BiH i svim ministarstvima obrazovanja u BiH. Prof. dr. Džemo Tufekčić, rektor Univerziteta u Tuzli je predložio da sadržina ovog materijala bude tačka dnevnog reda sastanka koji su predstavnici



Rektorske konferencije/Rektorskog zbora BiH ranije planirali sa ministarstvima obrazovanja i predstavnicima Ministarstva civilnih poslova BiH. Prijedlog je usvojen.

Ad. 3.

Informaciju o dokumentu „Bolonja-izvještaj za period 2007-2009. godine“ prisutnima je ukratko prezentirala prof. dr. Suzana Bubić, predsjednica Rektorske konferencije/Rektorskog zbora BiH.

Prof. dr. Vlado Majstorović, rektor Sveučilišta u Mostaru je predložio da se oba dokumenta „Nacrt kominikea“ sa Svjetske konferencije o visokom obrazovanju 2009. i „Bolonja-izvještaj za period 2007-2009. godine“ postave na web stranice univerziteta. Prof. dr. Darko Petković, prorektor Univerziteta u Zenici smatra da je potrebno dokument ovakvog karaktera ubuduće prvo dati na uvid Rektorskoj konferenciji/Rektorskom zboru BiH, pa tek onda ga službeno dostaviti i prezentirati na ministarskim konferencijama.

Zaključeno je da pri izradi narednog i budućih izvještaja obavezno bude uključena Rektorska konferencija/zbor BiH.

Ad. 4.

Razloge kandidiranja ove problematike kao tačku dnevnog reda sjednice RK/RZ BiH prisutnim je pojasnio prof. dr. Džemo Tufekčić.

Izlaganje je započeo naglašavajuću nedostatak zakonske regulative, što onemogućava da se odgovori zahtjevima Evropskog akademskog prostora. Naglasio je da za akreditaciju univerziteta veliki problem predstavlja nepostojanje Pravilnika o sticanju stručnih akademskih zvanja. Pored toga, istakao je probleme po pitanju angažmana akademskog osoblja koje ispuni jedan od uvjeta za odlazak u penziju, a ne dozvoljava se regrutisanje mladih kadrova. Obavjestio je prisutne o postojanju obaveze akreditacije visokoškolskih ustanova u 2010. godini, gdje će naglasak biti stavljen na internu evaluaciju u svrhu omogućavanja akreditacije. Kako i odakle regrutirati mladi kadar, je bilo centralno pitanje izlaganja prof. dr. Džeme Tufekčića. Neharmoničnost u oblasti visokog obrazovanja u BiH predstavlja veliki problem za razvoj visokog obrazovanja i kompetencije svršenih studenata.

U zaključku, prof. dr. Tufekčić je izjavio da je, zbog alarmantnosti situacije na svim univerzitetima u BiH po pitanju akreditacije, potrebno uputiti apel nadležnim ministarstvima, kako bi se omogućilo konačno rješenje ovog problema.

Prof. dr. Darko Petković je upoznao prisutne sa aktivnostima Agencije za razvoj visokog obrazovanja i osiguranje kvaliteta u domenu akreditacije univerziteta i sa procedurama akreditacije. Postavio je i pitanje troškova za provođenja procesa akreditacije.

Prof. dr. Faruk Čaklovića je postavio pitanje rada Upravnog odbora Agencije za razvoj visokog obrazovanja i osiguranje kvaliteta i proces donošenja odluka, te smatra da i članovi Rektorske konferencije/rektorskog zbora BiH moraju preuzeti dio odgovornost za ovakvo stanje.

Prof. dr. Vlado Majstorović, rektor Sveučilišta u Mostaru je izrazio bojazan od iskorištavanja trenutne situacije u visokom obrazovanju od strane privatnih visokoškolskih ustanova. Vrlo je važno da se u funkciju obrazovanja stavi sva raspoloživa infrastruktura, agencije, Rektorska konferencija/Rektorski zbor BiH, ministarstva, itd.



Konstatovan je problem ne pojavljivanja određenih članova prilikom sjednica Upravnog odbora Agencije za razvoj visokog obrazovanja i osiguranje kvaliteta.

Preporuke određenog sadržaja je potrebno uputiti članovima Upravnog odbora Agencije za razvoj visokog obrazovanja i osiguranje kvaliteta.

Prof. dr. Džemo Tufekčić smatra da je potrebno tražiti sastanak sa članovima Upravnog odbora Agencije i smjenu osoba koje opstruiraju rad Upravnog odbora Agencije.

Prof. dr. Faruk Čaklovića je podržao prijedlog prof. dr. Tufekčića da se održi sastanak sa predstavnicima Ministarstva civilnih poslova i predstavnicima entitetskih i kantonalnih ministarstava nadležnih za oblast visokog obrazovanja. Prijedlog prof. dr. Faruka Čaklovića je usvojen.

Prof. dr. Džemo Tufekčić predložio je budućem predsjedniku Rektorske konferencije/Rektorskog zbora BiH, da se nakon svake održane sjednice organizuje konferencija za medije. Prijedlog je usvojen.

Prof. dr. Suzana Bubić je prisutne obavijestila da je Rektorskoj konferenciji/Rektorskom zboru BiH 24. jula dostavljen dopis o postavljenom poslaničkom pitanju u Predstavničkom domu Parlamentarne skupštine BiH u kom se traži izvještaj o radu Rektorske konferencije/Rektorskog zbora BiH. Zoran Kazazić, dipl. iur. je prisutne obavijestio o tome koje radnje je poduzeo po ovom pitanju.

Ad. 5.

Problematiku u ovoj oblasti prisutnima je pojasnio prof. dr. Vlado Majstorović, rektor Sveučilišta u Mostaru. Smatra da je potrebno da Rektorska konferencija/Rektorski zbor uputi preporuku kantonima/županijama koje nisu donijele akte o promjeni sadržaja diplome da to urade u skladu sa postojećim uputama. Preporuka je jednoglasno usvojena.

Prof. dr. Suzana Bubić je prisutne informisala o dopisu Ministarstva civilnih poslova koji obavještava da ističe mandat predstavnika Rektorske konferencije/Rektorskog zbora BiH u radnoj grupi za praćenje Bolonjskog procesa prof. dr. Petru Mariću, i sa dopisom dr. Petra Marića o dokumentu Plan rada grupe za period 2009. – 2012.

Prof. dr. Faruk Čaklovića smatra da je potrebno da se prisutni izjasne o prijedlogu za davanje drugog mandata prof. dr. Petru Mariću u radnoj grupi za praćenje Bolonjskog procesa.

Prof. dr. Džemo Tufekčić smatra da je neophodno poštovati princip konsenzusa i ranije dogovorene stavove.

Predstavnici univerziteta su pohvalili rad i zalaganje prof. dr. Petra Marića u radnoj grupi za praćenje Bolonjskog procesa.

Zaključeno je da se povlači prijedlog o imenovanju prof. dr. Petra Marića kao člana Radne grupe za praćenje Bolonjskog procesa ispred Rektorske konferencije/Rektorskog zbora BiH, budući da je njegov mandat istekao i da je potreban konsenzus oko prijedloga novog kandidata.



Ad. 6.

Izvjestilac o ovoj tački dnevnog reda bila je prof. dr. Suzana Bubić, predsjednica Rektorske konferencije/Rektorskog zbora BiH. Navela je da postoji određeni broj zahtjeva za prelaske studenata sa privatnih na javne Univerzitete. Kao problem je istaknuta identičnost nastavnih programa na privatnim Univerzitetima sa nastavnim programima na javnim univerzitetima (visokoškolskim ustanovama).

Prof. dr. Faruk Čaklovića je istakao da na Univerzitetu u Sarajevu ovakav prelazak nije moguć. Onoga momenta kada Agencija za razvoj visokog obrazovanja i osiguranje kvaliteta zvanično verifikuje i prizna, javni univerziteti će trebati i morati ulaziti u različite aranžmane sa privatnim visokoškolskim ustanovama.

Prof. dr. Džemo Tufekčić smatra da je ovu problematiku potrebno riješiti u saradnji sa Ministarstvom civilnih poslova BiH i resornim ministrima iz oblasti visokog obrazovanja.

Prof. dr. Vlado Majstorović je prenio iskustva Sveučilišta u Mostaru, te je mišljenja da privatne visokoškolske ustanove trebaju da budu akreditovane prije izgradnje određenih odnosa sa javnim univerzitetima. Iznio je bojazan da će privatne visokoškolske ustanove veoma lako pribaviti čak i svu potrebnu dokumentaciju neophodnu za proces akreditacije.

Jasminka Berbić, dipl. iur. je prenijela iskustva za vrijeme predsjedavanja Univerziteta u Tuzli Rektorskom konferencijom/Rektorskim zborom BiH.

Prof. dr. Faruk Čaklovića smatra da je potrebno izdati saopštenje za javnost u kome će se decidno istaći da je nemoguće izvršiti prelaz sa privatne visokoškolske ustanove na javnu.

Prof. dr. Darko Petković podsjetio je na preporuku sa neke od prethodnih sjednica Rektorske konferencije/Rektorskog zbora BiH o nedozvoljavanju prelaska studenata sa privatnih visokoškolskih ustanova na javne. Prenoseći iskustva Univerziteta u Zenici prisutne je savjetovao da i prilikom nastavka školovanja studenata koji su studij završili na privatnim visokoškolskim ustanovama, budu veoma oprezni.

S obzirom da su sve preporuke, donesene prilikom predsjedavanja Rektorskom konferencijom/Rektorskim zborom BiH na Univerzitetu u Tuzli, dobile snagu odluka verifikacijom istih na sjednici održanoj 20. 3. 2009. godine u Mostaru, zaključeno je da je primjena i ove Odluke obavezujuća.

Ad. 7.

Zoran Kazazić, dipl. iur. bio je izvjestilac po ovoj tački dnevnog reda. Prisutne je upoznao sa odlukama koje je potrebno da se donesu, a vezane su za primopredaju predsjedavanja Rektorskom konferencijom/Rektorskim zborom Bosne i Hercegovine. Donesene su slijedeće odluke:



- a. Odluka o razrješenju dužnosti predsjednika Rektorske konferencije/Rektorskog zbora BiH,
- b. Odluke o imenovanju predsjednika Rektorske konferencije/Rektorskog zbora BiH,
- c. Odluka o razrješenju dužnosti generalnog sekretara Rektorske konferencije/Rektorskog zbora BiH,
- d. Odluka o imenovanju generalnog sekretara Rektorske konferencije/Rektorskog zbora BiH,
- e. Odluka o izmjeni Statuta Rektorske konferencije/Rektorskog zbora BiH,
- f. Odluka o promjeni sjedišta Rektorske konferencije/Rektorskog zbora BiH.

O radu akademske mreže u BiH (BIHARNET), trenutnom stanju i mogućnostima prisutne je upoznao gđin. Salko Kovačić, predstavnik Univerziteta „Džemal Bijedić“ u Mostaru u Upravnom odboru BIHARNET-a.

Prof. dr. Faruk Čaklovića je predložio da se uputi dopis univerzitetima sa ovim informacijama i prijedlozima.

IZVOD IZ ZAPISNIKA SAČINIO

Zoran Kazazić, dipl. iur.

**PREDSJEDNICA
REKTORSKE KONFERENCIJE/ZBORA
BOSNE I HERCEGOVINE**

Prof. dr. Suzana Bubić, s. r.

Dostaviti:

- a/a